

【八萬四千法藏】（科註第五三八頁第八行）

《佛學大辭典》：（術語）眾生有八萬四千煩惱之病，佛為退治之，說八萬四千之經典。

法華經見寶塔品曰：「持八萬四千法藏十二部經，為人演說。」

【八萬煩惱】（科註第五三八頁倒數第五行）

《佛學大辭典》「八萬四千煩惱」條：（術語）同於八萬四千塵勞。

《佛學次第統編》「八萬四千塵勞」：西天之法，顯物之多者，常舉八萬四千之數，略云八萬。

三藏法數引華嚴孔目云：「八萬四千塵勞者，塵即染污之義，謂種種邪見煩惱，能染污真性也。勞即勞役也，謂眾生被邪見煩惱，勞役不息，輪轉生死，無有盡時。」


論其塵勞，根本不出十使。

於十使中，隨以一使為頭，則九使為助，遂成一百。約三世各有一百，共成三百。

而現在世一百時促，不論相助，於過去未來二世二百，又各各以一使為頭，九使為助，共成二千。

合前現在世一百，共成二千一百。又約多貪、多瞋、多癡、等分四種眾生，各有二千一百，共成八千四百。

又約四大、六衰、各有八千四百，總成八萬四千塵勞也。



(本圖閱讀方向  )